

Inatsisartut suleriaasiat § 37 immikkoortoq 1 naapertorlugu matumuuna Naalakkersuisunut apeqqutit imaattut saqqummiuppakka:

- 1. Raajarniarnermi qalunut ivertinneqartartoq aalisakkanut aniatsitsissut (rist) atuutsinneqalerneraniit ristini atuisut isumasiorneqarnikuuppat?**
- 2. Ristit ”tupittarput”, taamaattumilli ”tupittoorneratigut” raajarpasuit maanngaannartinneqartarneri ilisimaneqarpa?**
- 3. Ristini ”tupittoornerup” piliaanik raajaqassutsip innarlerneqarsinnaanera ilisimaneqarpa?**

(Saxdorff Didriksen, Siumut)

#### **Tunngavilersuut:**

Nunatta imartaata pivii qaleruallit raajat illersorneqarsinnaasumik siunissamut qaqugumut nungukkiartuutaanngitsumik pigiuassagutsigit, nunatsinni ristip atornerarnera nalilersuigivineqartariaqartoq isumaqarama, aammalu ”ristit tupittoornera” raajaqassutsimut nunatta imartaani ikiliartuutaalinnginnissaa pillugit taamaattunik apeqquteqaasiorpunga.

Apeqquteqaatima tunngavigaa ukiorpassuit raajarniutini misilittakkakka aallaavigalugit raajarniutit sunik atortoqartarneri malinnaavigalugit raajat maanngaannartinneqartarneri maluginiarsimagakkit.

Apeqquteqaatimma ullut suliffiusut qulit iluanni akineqareersimanissaat kissaatigaara.